



## Sulinermik Inuussutissarsiuqartut Kattuffiat

Postboks 9 • 3900 Nuuk • Tlf.: +299 32 2133 • E-mail: sik@sik.gl

Inuussutissarsiornermut, Aatsitassanut,  
Nukissiutinut, Inatsisit Atuutsinneqarnerannut  
Naligiissitaanermullu Naalakkersuisoqarfik

Imaneq 1 A  
Box 1601  
3900 Nuuk

Nuuk, ulloq 12. juni 2025  
Allakkap normua xxxxxxxxxx

**Tusarniaanermut akissut pillugu: Utoqqarmiut Kanger- luarsunnguanni erngup nukinganik innaallagissiorfiup allilerneqarnissaanut atuinissamut akuersissummut atatillugu inuiaqatigiinni piujuartitsinissaq pillugu tamanut ammasumik tusarniaanermut allakkiag:**

SIK aallarniutigalugu Utoqqarmiut Kangerluarsunnguanni erngup nukinganik innaallagissiorfiup allilerneqarnissaanut atuinissamut akuersissummut atatillugu inuiaqatigiinni piujuartitsinissaq pillugu tamanut ammasumik tusarniaanermut allakkiag pillugu tusarniaanermut akissuteqarnissamut periarfissinneqarnerminut qujavoq

Tusarniaaneq ulloq 7. maj 2025 nassiunneqarpoq aammalu oqaaseqaatit Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfimmi kingusinnerpaamik ulloq 17. juni 2025 tiguneqareersimassallutik.

Siunnersuut immikkoortunik pingaarnernik makkuninnga imaqarpoq:

Erngup nukinganik innaallagissiorfiup allilerneqarnera sanaartugassat tamakkerlugit akigititassanut isumaqatigiissutitut neqeroortitsivigineqassaaq.

Sanatitsisup, NunaGreen Construction A/S-ip, entreprenørip sulisussanik najukkameersunik piukkunnartunik pissarsiarineqarsinnaasunillu sulisoqarnissaq pingaartissagaa, annertuumik naatsorsuutigaa.

Entreprenørip najukkameersunik sulisoqarnissamut aamma / imaluunniit pilersuisuusussanik najukkameersunik atuinissamut pilersaarutigineqartumut nassuiaanera taamaalilluni neqeroortitsinermut piumasaqaatini erseqqissumik allassimassaaq. Kiisalu najukkameersunik sulisoqarnissaq aamma / imaluunniit pilersuisuusussanik najukkameersunik atuinissaq pilersaarutigineqartoq isumaqatigiissummut piumasaqaatinngortinneqassasoq.

SIK Utoqqarmiut Kangerluarsunnguanni erngup nukinganik innaallagissiorfiup

allilerneqarnissaanut atuinissamut akuersissummut atatillugu inuiaqatigiinni piujuartitsinissaq pillugu tamanut ammasumik tusarniaanermut allakkiamut tapersiivoq:

- 1) Sanatitsisup, NunaGreen Construction A/S-ip, sulisussanik najukkameersunik piukkunnartunik pissarsiarineqarsinnaasunillu sulisoqarnissaq entreprenørip

pingaartissagaa, naatsorsuutigaa.

- 2) Najukkameersunik sulisoqarnissaq aamma/imaluunniit pilersuisussanik najukkameersunik atuinissaq pilersaarutigineqartoq SIK-ip aalajangiusimavaa, tassami tamanna najukkami sumiiffimmi suliffissanik pilersitsisussaammat.

Inussiarnersumik inuulluaqqusilluta Med venlig hilsen / Best regards



Axel Lund Olsen | SIK